

四庫全書

子部

欽定四庫全書

子部

江南經畧卷二下

詳校官中書臣丁榮祚

編修臣倉聖脈覆勘

總校官進士臣朱鈐

校對官修撰臣吳錫齡

謄錄監生臣王恩福

繪圖監生臣勵世求

欽定四庫全書

江南經畧卷二下

長洲縣境圖

明
鄭若曾
撰

長洲縣境圖

東

松江府華亭縣界

三卷下

常熟縣界

施華湖

崑山縣界

崑山縣界

上

相城湖

陽城湖

陽城湖

新堰

江要

沙湖

金蓮堰

東新

江淞吳

朝湖

陳湖

獨樹湖

吳淞江

錢虞潭

太師湖

尹山湖

白卯湖

吳江縣界

吳江縣界

東陽

西陽

塔河

白卯湖

楊家湖

東陽湖

嘉興府嘉善縣界

月

無錫縣界

常熟縣界

土

山陽



吳縣界

西

漕河

元和塘

漕河

黃塘


長蕩

白蕩

運河

長洲

白公堤



運河

吳縣界 長洲縣界 吳縣界

吳縣界

滄臺湖

滄臺湖

界

南

長洲縣境考

長洲縣附府城長洲本古苑澤史稱周敬王六年走犬
長洲長洲之名由此漢高祖十二年吳王嘗建倉於其
地唐武后萬歲通天元年始割吳縣北境置長洲縣乾
元二年改長洲軍大歷五年復為縣十二年陞為望縣
國朝吳元年革在城四廂錄事司以東南東北二隅屬
長洲縣

東至崑山縣界四十里西至在城吳縣分界一里南

至吳江縣界十八里北至常熟縣界九十五里東南
至松江府華亭縣界一百二十里東北至崑山縣界
五十五里西南至吳縣界二里西北至常州府宜興
縣界六十里

長洲縣備寇水陸路圖

太倉劉家河賊由
此進

常熟東偏之賊由此進



湖城巴

湖偏倪

巴城司

直義舖

陵市舖

唐浦巡司

東

丹直鎮

唐浦舖

賊自湖
山間道
由此進

陳湖

陳湖巡司


滌山湖

賊自湖柳
西由此進

湖柳

唐練章

三卷下三



長洲縣備寇水陸路考

東距崑山

其道有三由婁門東行歷陸涇壩唯亭真義至崑山之西門者其中路也由葑門東行歷黃石橋金雞滄唐浦吳淞江而收界浦或收小瀛浦或收新洋江者其南路也由婁門官瀆橋出陽城湖東行收西湖灘收綽塾收高墟者其北路也中路官路也水陸皆可行乃正道也吳淞陽

城皆水路也皆道之間者也

西並吳縣

南抵吳江

其道有二由葑門茂渡橋南行歷尹山夾浦至
吳江之三里橋者驛路也水陸皆可以行乃正
道也由茂渡橋東行歷黃天蕩尹山湖出同里
湖之西口者水路也乃間道也

北通常熟

其道有三由齊門北行歷陸墓蠡口吳塔沈浜而至常熟之南門者驛路也水陸皆可行道之正也由閶門山塘橋北行歷同橋長蕩分程或從洛婆橋蕩口或從顧山楊尖以出華蕩以至常熟之南門者西北拘路也由婁門官瀆橋出陽城湖東北行至直塘分程或從支塘或從任陽皆可以至常熟之東門者東北拘路也二者皆水路也皆道之間者也

西北與無錫為界

其道有二由許墅北行歷望亭新安至無錫之
南門者驛路也水陸皆可行乃正道也由山塘
涇北行歷同橋虎丘分程或從長蕩泰伯鄉或
從苕菜橋直北小港而行以出百瀆以至無錫
之南門者皆水路也間道也

東南與華亭為界

其道有三由葑門瓦硝涇東行歷王母湖大姚

陳湖澱山湖謝澤圓泖而至華亭之西門者中路也由葑門東行歷黃石橋金雞渰唐浦舟直磧澳唐行而至華亭之北門者其北路也由葑門茂渡橋南行歷尹山同里鄧邨周莊楊扇章練塘尤鑿而至華亭之西門者其南路也三者皆水路也中路道之正者也南路北路皆道之間者也

按長洲縣與吳縣雖同附郭而利害難易迥乎不

同蓋長洲分治郡城之東南北三方與崑山吳江
常熟無錫華亭相接壤吳縣之所轄者諸山與太
湖而已倭寇自江海而來不當其衝也長洲則吳
淞江婁江陳湖陽城湖諸蕩四通五達賊舟無處
不可至若東從劉家港越崑山則犯婁門北從白
泖港福山港越常熟則犯齊門西北從江陰越無
錫則犯閭門南從嘉興越吳江則犯葑門東南從
七團八團經千塾浦入吳淞江散舟直等鎮高塾

等邨亦會於對門在在可以衝入則在在當為之
備但地方廣遠港汊浩繁不能一一設兵惟摘其
險要者六曰陸涇壩曰唐浦曰鑊底潭曰夾浦北
曰蠡口曰許墅詳見各圖說於後

陸涇壩險要圖

北

陽城湖

江南經畧

西

蘇州府

長洲縣

妻門

吊橋

官清橋

陸涇壩

金雞濟

南

木城




東

跨塘橋

木城

沙湖




陸涇壩險要說

陸涇壩在婁門東六里乃寇從劉家河西來必由之衝也長洲之東境至陸市舖而交崑山縣界舊之設險者凡三重焉官瀆橋營所以捍衛婁門為第一重也陸涇橋築土壩建木城敵樓設團營於陽城湖濱所以為唯亭官瀆二營之策應乃第二重也最東近陸市舖設小唯亭營所以禦賊之來若外戶然乃第三重也以愚觀之小唯亭者賊西行之正路也其南有沙湖北有陽城

湖萬一賊計狡猾不由正路而由南北間道豈不反遶
出小唯亭之西乎故東境設險陸涇壩為最要兵備任
公環與倭寇鏖戰嘗奏大捷即此地也其北陽城邨團
營相城團營皆為湖防而設荻扁團營乃為彭淦而設
然皆羽翼陸涇官瀆不可無也

唐浦險要圖




唐浦險要說

封門東六里為黃石橋營又六里為金雞渰又六里為
斜塘營又六里為唐浦巡司乃吳淞江轉折而南處也
土壩在焉自此而東為舟直浦與崑山交界唐浦設險
所以遏寇從吳淞江衝來之患

鑊底潭險要圖

此處往唐浦吳
淞江別見圖說



鑊底潭險要說

葑門之東南三里有瓦屑涇在茂渡橋北從此涇入歷黃天蕩六里至瀆墅湖又三里至鑊底潭又東八里至陳湖又東南至澱山湖又東南至泖塔湖陳湖曠野難於設備鑊底潭有邨落聚兵於此則東可以控賊從松江三泖而來之患

夾浦北險要圖

此處往唐

浦吳淞江

別見圖說

此處往
瀆墅湖

東

丹山湖

丹山

夾浦天橋

夾浦營

南

北

府門

應渡橋

燈草橋

富壽橋

滄臺湖


丹山營

長洲縣

封門

蘇州府

西



夾浦北險要說

夾浦南險要另
見吳江縣圖說

葑門直南而行歷蔑渡橋營尹山鎮而浮橋鎖於水口
者夾浦也乃吳淞江之上流也東通澱湖三泖西對夾
涇港連太湖南抵吳江鶯脰諸湖北接長洲尹山諸湖
賊舟若至夾浦則南犯吳江北犯長洲勢不可遏矣今
夾浦設團營官兵而其東吳淞江章練塘又各設兵以
為夾浦外障兵營張犄角之形守禦協脣齒之固則長
洲之東南庶可以無患矣

欽定四庫全書

卷二下

蠡口險要圖

陽城湖

此通陽城諸湖

東

東湖

北

常熟塘

朱溪橋

蘇州鎮

蘇州鎮

陸墓鎮

洋溪橋

吳淞巡司

徐莊

白蓮寺

無量鋪

吊橋

南門齊

馬路橋

徐橋

太平橋

王水橋

太平橋

安國橋

黃球湯


長湯

曹湖

西

江南經界

十三




蠡口險要說

齊門外直北五里為陸墓又五里為周涇舖又二里為蠡口巡司從此而北至永倉敵樓與常熟接壤所謂常熟官塘是也通計團營之設者七無量營石家浜營夾塘東西而立乃齊門外第一層險阻也陸墓營南橋鎮營亦東西夾塘而設乃第二層也陸墓之北為蠡口營蠡口之西北為冶長營冶長之東北為永倉營其形若鼎足者乃第三層也塘之東為彭渢為陽城湖施澤湖

直通常熟崑山二縣塘之西為長蕩為曹湖為黃埭塘
直通無錫縣若蠡口者真郡城之北門也能守此可以
遏寇之來矣此外又有錢萬里橋團營則緣郡城西北
空野其水與長蕩相連而設露城鎮團營則緣郡城東
北空野其水與陽城湖相通而設一則為婁齊二門之
羽翼一則為閭門之羽翼皆不可無者也

許墅險要圖



潁墅險要說

潁墅

俗名許市

在閭門外西北二十五里南北運道之要衝

也戶部分司在焉居民稠密錢鈔出納無城堡可守若寇從無錫而來乃必由之道也乙卯之秋倭寇五十三人自南京至吳縣之橫涇為官兵所截正由乎此其南為楓橋商賈駢集乃入蘇之正道也又有虎丘山塘涇貨物亦阜乃入蘇之間道也潁墅有備則寇自西北而來均可以無患矣今議設潁墅鎮營其北又設望亭團

營所不可緩焉者也

長洲縣巡司

弓兵
數附

吳塔巡司

舊在吳塔後移齊門外北二十里蠡口北又稱蠡口
巡司設弓兵四十名往來巡邏

唐浦巡司

在葑門東二十四里唐浦設弓兵四十名往來巡邏

陳墓巡司

在縣東南五十五里陳湖東設弓兵四十名往來巡邏

長吳二縣倭患事蹟

嘉靖三十二年癸丑

閏三月賊掠諸邨鎮

賊首鄧文俊林碧川沈南山等分蹤出掠

五月賊犯府城分掠洞庭諸山

八月賊犯府城官兵擊却之

三十三年甲寅

四月賊至夾浦官兵擊敗之

戰於陳湖斬首十八級生擒二酋

賊犯府城叅政翁公大立統官兵禦却之

是月二十日賊首阿八王率衆分觥而入一由唐

浦一由唯亭二十三日衝婁門守者發銃箭傷死

三賊賊乃退二十七日復衝葑門叅政翁公大立

提青州兵與戰勝之復退次日賊二千餘人焚劫

葑婁齊三門翁公統官兵擊敗之遂退往徐莊是時也府城之圍雖解崑山太倉常熟嘉定處處受圍在在請援地方之難未有甚焉者也

五月賊犯府城官兵與戰大勝之賊宵遁至崑山

初二日賊從崑山陽城湖衝婁門次日攻葑門山陝青州等兵出城接戰賊初意城中兵少見兵衆太叢戰數合我兵皆大勝斬獲傷死者甚多是夜賊不敢寐相背而坐遂遁回崑山之新洋江先是

備倭都司梁鳳屯兵真義舖為賊所襲輜重銃砲盡棄而走至是寇藉之以攻城皆鳳遺禍也

六月賊圍府城大肆焚掠各門諸市鎮而去

初二日官兵與賊戰於真義弗利百戶劉愛臣死焉賊遂進逼唯亭初四日抵婁門都督萬表帥親兵僧兵下八山兵千餘人禦之賊設伏兵掩擊萬師却走賊勢益張次日焚劫閭門至楓橋地方初八日賊分三支一由張家橋一由北新橋水陸並

進焚劫潁墅一由花園邨焚劫橫塘橫山東西諸
邨落先是吳砥頑蠢凡在附郭二三十里內者妄
謂寇不深入又惑於入城危急之言莫肯遷進至
是親屬不能相顧倉皇無歸或浮湖中或之山舉
寇皆窮其所聚追逐殺擄哭聲徹天城下求入者
不可勝計恐混奸細莫敢許兵備任公環獨身任
安危日啓一門盤詰嚴肅魚貫而進間有一二奸
細公命左右縛之賊以為神全活十數萬人竟無

他虞初九日賊回閭門上新橋兵備任公環總兵
解明道帥官兵千餘人出城擊之斬賊二十餘級
生擒一人賊氣少阻退走楓橋日暮聞我兵進城
復至閭門十一日由石湖入太湖吳江知縣楊芷
舉人周大章生員吳詰帥水兵邀擊於鮎魚口擒
斬五六十人賊餌水兵由吳江平望而去

三十四年乙卯

三月總督尚書張公經統大兵至即如松江

時張公經初統大兵至蘇州欲開府巡按御史周公如斗曰方今松江賊勢猖獗公不亟往恐賊謂公怯也張公意伺賊便馳擊之尚駐胥門周公方承監軍之命令諸將曰若曹不能禁戢兵士吾先叅究矣諸將猶未悛周公乘小艇陰察之諸將覺而大懼請於張公星夜往松江所過肅然

四月巡撫都御史周公琬巡按御史周公如斗奏免被倭州縣租稅招撫流民

民自甲寅之變田地拋荒所在騷動二公連章請
蠲本年田租上特允之巡按周公先得報恐府縣
吏胥乘機作弊不俟撫院會議星夜揭榜通衢凡
已收在官銀米盡行給散人心大悅歡聲動地流
民皆歸復業小民免於從賊人至於今頌之

五月賊犯府城入太湖由常熟出江

初八日賊突至婁門次日至楓橋分二支一往澌
墅一往木瀆西山等處焚劫十三日兵備副使任

公環與總兵湯克寬等提兵至木瀆巢賊賊預伏
歛起我兵驚潰不能勝追至胥口次日賊入太湖
與吳江水兵戰於湖中焚劫洞庭兩山一艖為團
長徐朮等阻截自黃麻門從衝山漫山而下向空
湖常州境去一艖為耆民周瓚等所追至於獨山
轉戰三四十合從無錫境去遇官兵不得進還入
太湖其在游墅者住劄望亭十九日分掠曹湖葑
塘涇長涇黃埭二十三日太湖賊焚劫洞庭二十

六日進胥口次日由閶門齊門常熟官塘而去其舟十四艘皆蒙纒與濕被以防火器矢石云

柘林賊至陸涇壩提督都御史周公琬巡按御史周公如斗親督兵備副使任公環總兵俞大猷等逐戰大破之

賊自柘林分蹤出掠至李塔滙厯張莊小崑山趨泖湖而北保靖宣慰司彭蓋臣追之抵陸涇壩離城十里而近巡按周公如斗急邀巡撫周公琬出

婁門禦之而身御城樓令曰如賊不滅敢有渡河者以失機奏請如律兵備任公環帥師為前驅與總兵俞大猷游擊鄒繼芳守備王桂合力禦於壩上賊敗走獲其舟三十五艘斬首二十級明日賊復合夥揚帆而前我兵用銅發鑛燬其舟賊登岸兵備任公帥鈎刀手當其衝與賊鏖戰自辰至申凡二十合賊遂大敗斬首八百餘級我兵不損一人蓋月之二十二日也

六月賊犯府城官兵出城禦却之

初五日賊二千餘人自崑山至婁齊葑三門焚劫鎮撫蘇憲臣禦戰死焉次日至閭門屯洞涇橋兵備副使任公環知府林公懋舉總兵解明道分帥徐穎等兵出城勦之斬賊首五十餘級生擒二人賊奔楓橋復流劫太湖洞庭兩山

八月劇賊五十三人流突至許墅提督都御史曹公邦輔親督官兵勦之賊遁如橫涇公盡殲之

十三日上江流賊五十三人突至許墅先是提督
都御史曹公邦輔聞賊至太平震動留都趨護陵
寢會賊從宜興無錫而南欲由常熟沿海以趨柘
林精悍異常轉戰三千餘里未嘗少衄蓋賊之梟
銳善戰者也公聞之星夜馳還賊已渡關矣公亟
調集諸道兵與官屬約曰此賊深入內地所過不
掠財帛婦女無乃為覘乎且以五十三人橫行三
千餘里莫之敢撓其易我甚矣我地形兵力為彼

所窺他日大舉入寇何以支之所不與僇力滅此賊寬縱出境者斬首以徇不爾貸復戒守令賊滅而後進城聞者無不股栗乃分授信地申主客應援之規以副使王崇古僉事董邦政叅將婁宇率指揮張大綱武生車梁躡賊所向遇敵先登為正兵知府林懋舉通判余玄知縣康世耀各領兵屯吳林廟之左北護郡城南扼賊衝為援兵嚴家兵左哨沙耆民兵右哨分突衝截為奇兵度賊走太

湖募水兵於湖濱東山巡司領船數十艘往來哨探為遊兵又度賊不走太湖必分蹤以牽制我師或棄金帛於道餌我嚴諭毋離伍毋拾遺是夜官兵射死五賊賊自浙杭歷徽歙蕪湖南都所向無敵至是頓挫大驚覺曹公兵難犯從間道沿山夜行至楓橋擒二義氓欲導出海二義氓私相謀曰此賊得至柘林蘇民無息肩之日矣不舍生以紓民命何面目見曹公乎乃故導之過閭門約會城

上曰吾導往絕地可速來擊之遂至寶帶橋橋斷

復至郭巷三面阻水官兵圍之三匝賊大忿鬪二

導者

二人之功多矣惜其姓氏不傳

十六日夜潰圍過五龍橋奔

梅灣二十日奔靈巖山二十二日官兵搜伏斬首

七級賊夜奔鳳凰池二十五日奔木瀆復奔前馬

橋二十七日曹公親督副使王崇古僉事董邦政

知府林懋舉參將婁宇通判余玄知縣康世耀合

兵擊之賊殊死戰我兵憚曹公威令莫敢退縮嚴

家兵父子五人當其前鋒斬賊二十七人指揮張
大綱崑山生員陳淮皆戰歿於陣賊夜遁之黃墅
沙擴船渡湖巡船阻之奔楊家橋匿一民舍我兵
圍而火攻之賊遁伏田禾中官兵追之不能得武
生車梁獨以兵張兩翼呐喊索之賊遂露來召官
兵還擊之賊遺金帛誘我兵卒陷一絕巷中官兵
圍之矢砲叢入蕩滅無遺曹公以捷聞歸功僉事
董邦政時督察侍郎趙文華聞此寇且滅急趨赴

之欲攘其功比至則曹公已先奏捷文華大怒遂思所以陷曹公矣

石湖之戰議

按石湖之寇據巨舟十二滿載而出其衆三千餘人如蹈無人之境吳江知縣楊芷舉人周大章以舟師邀而擊之可謂壯矣斯時也湖水乾涸賊艱於行我舟輕捷鑽竿鈎搏斬級十六賊長跼哀籲登岸問路此其勢之窮蹙為何如乃天亡之時也設有精兵一枝剗火燒橋

賊無小舟豈能飛渡哉使水兵不貪餌賊棄金帛衣包不之顧而堅志攻賊賊豈能脫哉惜乎官兵觀望而莫敢進獨吳江兵敢進而又縱敵遂使賊得長驅而去吳江平望官倉民舍所過丘墟嗚呼此倭寇深入之始關繫蓋不小矣昔晉劉牢之討孫恩恩敗而走懼官兵躡之緣道棄物牢之兵利其有恩得脫走兵家之弊古今不約而同有如此哉或曰兵志曰歸師勿遏石湖之寇歸寇也如之何遏之曰不然所謂勿遏者其義有二一

謂遏寇於入境之初則地方不至受害若歸而遏之則
荼毒已罹遏無益矣一謂敵有忿懈不可於其去而一
槩遏之蓋逃生之寇獸窮反搏須縱其出境而伏兵以
待乃圍師必缺之說也若飽欲而去則擊其情歸豈可
坐視其行乎兵法曰因勢破之此之謂也

保二

馬湮湖

陽城湖

西

南

崑山縣總論

崑山在府城東七十里東距大海有太倉為之藩屏北距大江有常熟為之限隔偃然中處號稱樂土往年倭人入寇首攻圍此四十七日何哉蓋世際久熙武備懈弛所恃者衛所耳矣崑城無衛所襲取甚易賊若據此為巢則東西路絕邏卒不能哨探而飛報上司不能會議而調兵

撫按分駐蘇松諸郡兵備道專駐太倉城

奏聞則不及聲援則無

有由是可以攻衝府治由是可以往返海洋倭之為計

者誠審矣所幸築城於無事之時又值縣尹

祝侯名乾壽

之

賢與民死守井邑萬姓賴以全活竊考爾時賊至城下

者凡三支一從吳淞江葦葭浜

俗名陸家浜

而來一從劉家

河太倉塘而來一從七鴉浦雙鳳陸路而來厥後屢犯

郡城皆假道於此若曾嘗聞之父老云崑山地僻而小

兵燹必無我太祖立國之初傳檄而定可徵矣以愚測

之大不然夫蘇州天下之望郡也崑山蘇州之望邑也

假如天下有事孰肯忘蘇州乎蘇州被兵孰肯忘崑山

乎但受惠不同應敵迥異若寇起中原攻掠城邑則崑山之西境乃賊之來路也設險守禦其重在西若寇起海洋深入內地則崑山之東境乃賊之來路也設險守禦其重在東垂方而應之鮮不償矣此以地利而言也若以人事言之則崑山乃外縣也較之長吳附郭百凡必咨稟於府必咨稟於憲院而後行者固有不同而其在外邑之中局面亦異何也太倉嘉定濱海常熟濱江各有將官提重兵控其外境外境之安危繫將才之高

下州縣勢埒而權分有不能全主者崑山則操縱張弛
令得而專之罄一縣之力拯一縣之患雖不免於申達
而隨機決策之際無所掣肘無所牽制大抵與吳江同
但吳江當南北要衝春秋吳伐越越伐吳皆為用武之
地視之崑山惟當嚴備海寇不時偶發而中原之盜地
僻罕到者大徑庭也較量七邑崑山在難易之間顧邑
令之才德服衆何如耳或曰崇明同乎曰其邑懸海又
當別論也

崑山縣境考

崑山古婁縣也禹貢揚州之域周為吳秦置膠縣屬會

稽郡

葉子強題名記崑山秦膠邑也按今嘉定縣有膠城鄉疑古縣治

漢王莽時曰婁

治以縣有婁江得名

漢書曰改於王莽時

今縣東北三里有婁縣

邨歷後漢吳晉宋齊俱隸吳郡梁天監六年分吳郡置

信義郡分婁縣置信義縣屬之今縣西二十里有信義

邨

俗訛為真義

大同二年又分信義置崑山縣仍隸吳郡以

縣東有崑山故名

崑山高一百五十丈周圍八里輿地廣記陸氏之先葬此山士衡兄弟生

欽定四庫全書

卷二下

焉時人以玉出崑岡比之故名士衡贈從兄詩云髣髴谷水陽婉孌崑山陰是也山今在華亭縣西北二十三里蓋割崑山之境以縣隋開皇九年改吳郡為蘇州而華亭而縣名仍崑山云

崑山信義二郡俱廢十八年復置崑山縣隸蘇州唐天寶十年太守趙居貞奏割縣之南境及嘉興海鹽地置

華亭縣移崑山縣治於馬鞍山之陽大歷十二年升緊

二千戶會昌四年升望三千戶宋改蘇州為平江府崑

為緊

為望

山隸焉嘉定十年太守趙彥櫛提刑王棐奏割縣之東境安亭春申平樂醋塘臨江五鄉置嘉定縣元元貞二

年以戶口計例陞為中州隸平江路延祐元年遷州治

於太倉在崑山東三十六里至正十六年張士誠僭據

遣將高智廣守之十七年皮福復遷州治於故所

崑山州治

遷太倉者凡四十四年至國朝吳元年知州費復初率

是仍徙治於馬鞍山陽

民歸附洪武二年復為縣隸蘇州弘治十年巡撫都御

史朱公瑄奏割縣之東北境湖川新安二鄉及惠安鄉

之半并常熟縣雙鳳鄉嘉定縣樂智

即崑山縣醋塘鄉循義

即崑

山縣平樂鄉二鄉置太倉州本縣現管里三百三十八

廣四十五里袤一百二十五里東至太倉州界二十里西至長洲縣界二十七里南至松江府華亭縣界八十里北至常熟縣界三十六里東南至松江府上海縣界四十五里東北至海一百五十里西南至長洲縣界五十里北至常熟縣界四十五里

崑山縣城池考

崑山縣城相傳為吳子壽夢所築今莫可考五代時為盜所據官兵灌城而降則知嘗有土城宋時列竹木為

柵則知雖土城亦廢古圖經云縣故有城然湮廢已久

宋時婁縣邨猶有城基其田尚有城裏田之稱墟落間

以城名者十有二今可知者七耳

東城在縣東三百步城雖莫考而橋巷猶

以東城名舊志云耕者於東寺後多得古城磚及銅箭鏃疑即壽夢所築也

南武城俗傳吳王闔閭起以候越武城在縣西北漢書婁縣注有世傳吳王所築今有金城浦

相傳為黃巢所築今有度城湖西鹿城在縣西一里有唐卜將軍墓墓碑云葬崑山西鹿城巴城在縣西

北十八里其地有巴王廟巴城湖雉城在縣西北十八里今湖亦以雉城名

顏縣城瓦浦城並古經所載今莫詳其處元至正十七年海寇方國珍犯境始築土城捍

之周一十二里二百七十八步高一丈八尺濠深五尺

廣六丈城有六門國朝弘治四年知縣楊子器建樓其

上各以方隅名之東曰賓曦

賓曦門水關之南內外俱有濠城介兩濠之間海潮

悍激土疏善崩弗克支遠知縣鮑龍欲為堅久之計白於巡按御史舒公汀廣其址以達於顛顛用石弇旁皆磚灰護之中實以土凡三十二丈城始完固邑人大理寺丞周鳳鳴有記西曰留暉南曰朝

陽北曰拱極

今曰拱辰

東南曰迎薰西南曰麗澤

麗澤門樓舊在麗澤

門上因礙學官嘉靖二十七年巡按御史饒公天民命改建水關之東

嘉靖五年邑人都

御史周倫疏請築磚城不果十三年於東門外築水關

一座上建門樓三間扁曰天風海濤十六年邑人大學
士顧鼎臣軫念崑山濱海土城日就傾圯脫有驚變無
城可守主議力請於朝時巡撫都御史歐陽公鐸巡按
御史陳公蕙知府王公儀於沿海州縣次第修舉而獨
先崑山既而陳公親履其地指授方畧仍故址甃以磚
石下半用砂石
上半用火磚經始於十八年二月工竣於十九年五
月邑人太常卿
方鵬有記各門扁額皆仍其舊每門置水關以便
舟楫朝陽門故無水關因缺焉時值承平民怨其勞後

十五年甲寅倭寇突至首犯縣城攻圍四十七日億萬
生靈賴以拒守凡在城外者焚掠無遺人始服其遠覽
感其洪庇云寇退知縣祝乾壽增築六門月城及敵臺
二十六座又以東南北三隅相去曠遠起造敵樓三所
相為策應規制益壯麗矣

城

周圍二千三百八十七丈凡一十二里有奇高二
丈八尺比之鄰邑諸城特為堅固

池

周圍二千三百八十九丈深五尺廣六丈有奇

門

陸門六

詳見前

水門五

惟朝陽無水門

門上有樓樓外有月

城

敵臺

敵樓三座敵臺二十六座

窩鋪

二十六座

雉堞

四千五百八十七垛

崑山備寇水陸路圖

東

嘉定縣

此道
進

卷下二十四

太倉州

勝安鋪

喬子鋪

觀音堂

玉龍橋

夏駕浦

陸家浜

安亭

千盤浦

新陽江口

吳松

澱山湖

松江賊自
此道進


崑山縣

江南經畧

三四

南

七



崑山縣備寇水陸路考

東距太倉

其道有三由玉龍橋東行歷馬涇畚子勝安鋪至太倉之西門者其中路也由小瀆浦或新洋江出吳淞江收青魚涇至太倉之南門者其南路也由八字橋歷黃昌涇新塘橋周市雙鳳至太倉之北門者其北路也中路道之正也南北二路皆道之間者也

西抵長洲

其道有三見長洲縣水陸路考

南接嘉定

其道一由新洋江歷吳淞江千壑澱山湖而至

嘉定之北門者是也

東南與嘉定為界

其道有三見嘉定縣水陸路考

西北與常熟為界

其道有三由金潼橋李家嘴歷巴城斜堰唐市
戈莊至常熟之南門或由李家嘴歷卯沙塘石
牌灣唐市五衢至常熟之東南門皆中路也或
從八字橋黃昌涇新塘橋周市雙鳳陸行下七
浦塘或從雙鳳歷直塘支塘或從鵝腸涇歷周
市任陽唐市皆可以至常熟之東門者其東路
也由真義綽塾出陽城湖或由高墟邨下傀儡
蕩一水至常熟之南門者其西路也中路正道

也其餘皆間道也

右水陸可通之路凡十有三雖皆崑山之所當防者然不能一一而設險也惟摘其中之尤要者建寨柵初團營專駐官兵以為守禦之計其餘則惟以游兵行哨奇兵設伏輕兵出襲焉斯可矣計邑之險要凡有五曰薈子西曰千塾浦曰周市曰真義曰斜堰詳見各圖說於後

翫子西險要圖

東

自此而東通
太倉劉家河

翫子鋪

馬溝鋪

翫子村

翫子河

北

漢浦塘

觀臺

和亞塘

惟潮館

吊橋

玉龍橋

新洋江

橫塘

南

夾湖塘

崑山縣

西

江南經畧

旃子西險要說

旃子東險要另
見太倉州圖說

旃子在縣治東二十里賊自劉家河至太倉南關折而西北必由此以犯縣城嘉靖甲寅賊艘東來者無數皆揚帆直入備倭都司梁鳳督兵於此因非信地故引而北賊遂肆志無忌而崑山之禍慘矣為今之計惟設重兵屯此與太倉兵船相為犄角賊寇來犯水陸交攻無分彼此賊必不能飛渡而西迴翔出海我兵可乘之追剿矣

千陂浦險要圖



千鑿浦險要說

千鑿浦在縣治東南三十六里

千鑿浦自吳淞江起至徐涇口止長二千三百


九十二丈五尺廣八丈有奇

乃如松江之大道也吳淞江自西南而

來新洋江北注之折而東行千鑿浦南注之又折而東南行夏駕浦東北注之夏駕新洋皆鹽盜出沒要區而千鑿之南如澱山度城諸湖至為險要千鑿實當三面之衝者也嘉靖甲寅賊自松江至茆葭浜將衝縣城備倭都司梁鳳率兵屯此賊不敢西行而從夏駕浦出丙

辰賊自松江循澱山湖而北直搗於此使當時有兵禦之賊豈敢輕進哉舊設石浦巡司於西嘴甚為長策後遷吳家橋則南去數里矣江中鹽盜豈能備乎為今之計須設兵戍守於此仍復巡司於舊地而備弓兵之名額庶縣城可無南顧之憂

周市險要圖



周市險要說


周市在縣治東北二十里與七浦塘相近七浦乃常熟之界河也大而長橫亘數十里沙頭雙鳳直塘白茆等鎮皆可相通賊若自東流突縣境此其必由之道也往年賊攻縣城不克詣諸鎮名黨與集城下者七千餘人實由此道而來

如所殲殺二大王之類

故必設兵一枝屯戍於

此以固北門鎖鑰鎖鑰固則縣城可以高枕而臥矣

真義鋪險要圖



真義鋪險要說

真義鋪在縣西二十里巴城巡司在焉其西三里與長

洲交界謂之界浦西北二三里為陽城湖

東屬崑山
西屬長洲東

北五里為傀儡蕩又北數里為巴城湖

一名包湖

水澤環屬

舟楫通利鹽盜出沒真義實當三面之衝賊若由府治
而來必經此道蓋西境之咽喉也團結鄉兵與司兵協
守一則可以遏賊東下而為縣城之藩籬一則可以梗
賊南衝而為常熟之隄備誠不可不為之所也愚按國

初舊制真義原無巡司弘治間始遷巴城巡檢司於此
哨捕盤詰以之禦寇不能也真義之北二里許有航頭
鎮者戶口頗繁且多巨族為之綱領嘉靖甲寅倭寇嘗
至鎮無藉本司自敢與之抗敵惜無策應耳有司若能
作興禮請大戶選練小民可得數百人縣之西境不患
無兵而兵自足不憂無食而食自贍矣

斜堰險要圖

東

崑山縣

十里鋪



巴城巡司

倪偏蕩

南

真義鋪



巴城巴湖

巴城寺

巡司舊址



斜堰閘


塘浦七

唐市

北

陽城湖

西



斜堰險要說

斜堰在縣治西北四十五里臨七浦塘七浦塘自白茆塘西至陽城湖合昆承諸湖之水泛濫不常故築堰以拒之賊若自常熟南行必由此犯縣境過此則水陸路雜無險可據矣故必設兵一枝於此與常熟之兵互為聲援庶賊可拒也或謂宜設險於巴城夫斜堰譬則門戶也巴城譬則堂室也賊已入門而與之戰於堂室之中使賊得以內攻孰若守門戶使不得入之為愈耶設

兵之法與他地異特宜奏添一巡司於此而以諸湖打
牲手隸之有警則召集與弓兵協禦而取餉於官此則
水戰之絕技也弓兵之額亦須滿百如寨兵之制而後
可

崑山縣巡司

弓兵烽
堠附

石浦巡司

舊在崑山縣東南四十里泖川鄉七保石浦鎮宋祥
符中設國初於真如觀署事洪武二十二年巡檢舒

琇始建署本鎮景泰二年移置千塾浦口嘉靖十年復遷吳家橋設弓兵四十名往來巡邏所屬烽堠十

一座

諸天浦口 石浦口 夏駕浦口

陸巷涇 唐梨涇 新塘口

張浦口 刁漚舍 潭港口

大直港口 千塾鋪

每堠另設瞭守弓兵五名

巴城巡司

舊在崑山縣西十五里朱塘鄉高墟邨國朝洪武三年置弘治三年徙於真義鋪東設弓兵四十名往來巡邏所屬烽堠十二座

李長墳

綽塾

狀元涇

圓邨

俞港邨

真義鋪

景邨

嚴家橋

黃巷

徐公橋

夏尖

新邨

每墩另設瞭守弓兵五名

舊有崑山鎮巡司在縣治西南興賢坊東即吳越
錢氏崑山防遏使故址洪武十二年革去今巷名
猶存其舊

崑山縣倭患事蹟

嘉靖三十三年甲寅

四月賊至萊葭浜縣城戒嚴

時承平日久民不習兵城中火器兵糧百無攸備

知縣祝乾壽莅任甫一月倭寇突至倉皇無措令
民繕器械塞城門為保禦之計延鄉士夫及諸生
卜城分地而守初七日賊掠松江得志欲歸以吳
淞道梗乃歷唐行青浦而北兵備僉事任公環帥
師擊之弗利賊進逼安亭入縣境與任公隔吳淞
江而壘越三日西行十一日至茱葭浜去縣三十
餘里聞備倭都司梁鳳駐軍千塾之北遂從夏駕
浦走太倉

賊入劉家河逼縣城

十三日賊舟入劉家河者六十餘艘其先鋒百餘人駕三舸揚帆而入時都司梁鳳移軍裔子賊吶喊試之梁兵從鹽鐵塘走常熟賊知我兵怯肆志無忌直抵東郊新洋江口泊焉自是來者接踵焚劫屠戮沿城民廬一朝丘墟矣

兵備僉事任公環遣兵來援

兵備任公自太倉調遣沙兵二千來援盜賊充斥

州縣路絕沙兵從間道紆迴而行不能遽達賊偵
知之以數舟張幟使人佯報曰任爺救兵至矣速
開門納之守城民夫見之踴躍欲出識者曰此計
也安有官軍近賊而賊舟不震動者賊計不行退
入鰲後二日沙兵始至

賊掠諸邨鎮

賊舟屯新洋江分遣其徒詣各邨鎮焚劫雖窮鄉
僻壤士女避難之處無弗知而至者由其擒土人

為嚮導故也

知縣祝乾壽大索奸細於城中獲之

賊至三日不犯城郭人皆疑之十六日諸生有夙興者望見馬鞍山顛有白衣人二皆以白扇指揮意其為奸細也遣人遍索之弗得卒之鼉殼洞中執而訊之曰未至時先遣十輩伏城內期十五日放火誘民夫下城乘間而登因天雨改約今夕白者吾暗號也乾壽亟下令凡來歷不明之人悉繫

獄慮有枉也命獄卒善護之惟慎其防又令城市
各甲相覺察城夫不得離信地顧私室違者治以
軍法是夕奸細放火受縛者八人始知擒者非盡
奸細奸細或伏橋下或棲樹杪或隱菴剝或潛林
墓夜聚曉散其蹤無常西倉脚夫五十人自相盟
誓分伏要路俟賊奇行者擒之得劇賊一人乾壽
百方誘之終不言肢解以徇既而得賊流失其翎
細書云陸成已殺阿荒仔細乃復大索之數日得

阿荒於濠間蓋即縣傍屠狗者也其來已三年善
伏楹梁間人不見飛簷走脊特其末技云

賊攻縣城

縣令祝乾壽嚴督士民備禦民各一堞十堞一長
五長一生措置秩然十七日賊負雲梯數十乘攻
北東東南三門勢甚危迫時有登梯者城夫以長
脚鑽禦之貫其頭顱猶忍痛上他賊以燕尾箭截
城夫三指城夫亦弗言痛持鑽如故一時躡梯之

金史卷之八
卷二下
賊遂皆奪氣下匿墳菴將復攻擊乾壽使勇夫奪其梯火其廬賊乃遁去

巡撫都御史屠公大山巡按御史孫公慎遣備倭都司梁鳳帥師來援復遣縣學生龔良相督戰無何召良相歸鳳遂冒功而還

時賊往來歛忽凡大路皆絕聲援不通士民危懼縣令祝乾壽募敢死士善泅水者持蠟書間道夜行士夫亦附連名東請兵八晝夜始達郡城巡按

御史孫公慎會同巡撫都御史屠公大山遣備倭
都司梁鳳提兵而東鳳逗留下雉瀆不敢進諸生
季龍伯徐倬深夜縋出城上書於鳳持諍甚力鳳
不為動縣學生龔良相時寓郡城憇入察院孫公
盛怒良相叩首泣謝曰蘇州東南之重郡也崑山
蘇州之重邑也崑山被圍兵餉俱乏數十萬生靈
之存亡懸於救兵之遲速若救兵不至城必陷矣
城陷則不惟國家二百年以來數十萬忠孝之民

死於無辜而賊據為巢進攻蘇州蘇州其不危矣
乎天下財賦蘇州第一乃朝廷命脈之所繫也公
縱不為崑山惜獨不為朝廷計良相桑梓之地知
救祖宗墳墓為重冒威犯罪誠甘心焉孫公大感
動稱羨而慰之曰子之言過矣吾兵已發事已濟
子未之知耳良相力辨鳳影射不忠乞憲牌督戰
孫公曰遍地皆賊孰齎牌乎良相復辨鳳兵潛於
近地可及也請以身往孫公遂與牌令良相督戰

良相縋城而出獨行十里窈無人聲惟血膏荒野而已追至鳳所以憲牌示之鳳大怒欲殺良相良相不為動促之益力鳳不得已令良相先行瞰賊良相冒死馳至真義不見一賊也伏叢莽間覘一鄉人出行訊之賊已回新洋江還報鳳大驚即與俱東會有憲牌召良相良相還郡城二十四日鳳軍九里橋乾壽令義官張國維迎之不答適有賊醉臥民舍鳳軍遇之擒斬數級抵暮屯兵真義

為賊所襲望風即潰而西火器二船盡為賊有鳳
率殘兵歸郡佯報賊已擊敗遁去掩敗為功人皆
憾之

賊攻縣城

賊得火器糾合精銳益肆力攻圍燕尾鏃佛狼機
鉛錫大銃一時合發殺人高擲其顱於城上小兒
貫槩盤舞以為戲吹螺鼓噪聲震山谷守者望之
無不色土縣令祝乾壽微服乘城鼓衆作氣躬率

丁壯守埤老弱運瓦石揚灰沙晝夜力守不急又
與鄉宦朱隆禧王任用孫雲舉人歸有光丁允亨
秦霑等籌畫便宜鼓勵監生吳諫生員張光紹潘
蔚卿晉日亨陳淮柴秩柴輔元武舉郭龍韜等擐
甲跨馬與賊接戰屢有斬獲且糾率士民悉力捍
禦城得不破時賊欲據崑山為巢穴故蘇州各縣
皆被攻圍而攻崑山尤急以崑山為蘇郡州縣適
中之地得此為巢則沿海諸邑聲援俱絕進可以

蠶食蘇常諸郡退可以拒援兵也非乾壽措置有方鮮不殆矣

五月賊攻縣城知縣祝乾壽於留暉門殛殺賊首二大王

十三日賊糾諸縣精悍者凡七千人薄東關蝟集城下攻圍甚急期於必破乾壽鼓衆出城死鬪焚燬其舟賊遂轉向西關有驍賊數輩伐竹為龕覆以沃被械其中而運之潛伏其內餘各擁門為盾

列左右翼而進城上用機鏃火礮擊之舉不能入
賊旋嚮城闕盡攜去壘石闖龕於楯鎚斲聲動地
城不下者僅一板角聲震天與婦女號慟聲相聞
乾壽衣短後手執金鉦鼓之莫可誰何顧見一老
父指謂曰亟啓麗譙之木沸桐油雜厠穢熱沃之
賊可擒也乾壽如教啓板熱油垂而灌之一賊方
欠呻遽引之起則其渠魁二大王也縛置旗竿上
射殺之令丁壯雜噉其肉頃刻殆盡賊遂雷號禽

亂而潰乾壽循城閱視小憩土神祠睨其像則所
見西關老父也遂上其事列春秋祀是為有唐將
軍西河卜珍去祠不數武蓋有將軍墓焉時皆謂
乾壽至誠感神所致云

賊解圍遁去

賊圍縣城四十餘日賴縣尹祝乾壽多方捍禦殲
其渠魁賊遂大懼十八日解圍宵遁於是各縣之
圍皆解

三十四年乙卯

五月賊掠石浦等鎮

川沙窪賊由松江周浦泗涇等處劫掠遊擊周藩
追擊戰死賊遂屯駐石浦橋流劫石浦諸處


三十五年丙辰

三月賊掠千壑鎮

賊自松江循澱山湖而北直搗於此大肆劫掠
五月兵備副使任公環擊賊於澱山湖東大敗之

六月賊薄縣境

初四日賊二千餘人由吳淞江而來逼縣境民兵禦之遂西走郡城



江南經畧卷二下